

HEADLINES (EVENING)

Date – 20/12/2024

Time - 18:30 -18:40Hrs

- Kristian te hunpui, Krismas lo thleng tur atan mipuite kawng hrang hrangin an inbuatsaih mek.
- Kumin Good Governance Week chu Mizoram district hrang hrangah vawiin khan hawn a ni.
- Ram puma a ruala inthlan buatsaihna tur ‘One Nation One Election’ kaihhnawih bill 2 chu Joint Committee of Parliament-ah hlan a ni.
- Parliamentary Affairs Minister Kiren Rijiju chuan tun tum Parliament thlasik thutkhawm chu eptu lamte kawhmawh bawl avangin a hlawk nep deuh a ti.

<><><>

CHRISTMAS PREPARATION

Karleh lawka Kristian te hunpui, Krismas lo thleng turah mipuite kawng hrang hrangin an inbuatsaih mek.

Kan hma lawka hunpui lo thleng tur atan midangte tan mi hrang hrang an luang chhuak tih kan Corr chuan a sawi.

VC OF Rodi Lalremruati Zote, Akashvani Correspondent.....

Aizawlah chuan bazar hmun hrang hrangah mipui an pungkhawm hnem tawh hle a. Aizawl Bazar a sumdawngte chuan kumin krismas chu mi veivak leh bazar tam tho mahse kum dang zawng aiin sum leng vak a vang ni a an hriat thu leh hei hian inhralh a tih har thu an sawi thung a. Akashvani palaiin a kawmna ah Pi Zonunsangi chuan, kum dang ang bawkin zing dar 6 atanga tlai dar 5 thleng an in hawn thin thu a sawi a. Krismas bazar lai te a nih angin sumdawngte pawn thahnem an ngai hle a, chutih rualin kum dang zawng aiin kumin krismas bazar chu mipui veivak tam ang hu in inhralh a har thu a sawi a ni.

Byte of Bazar Sound & Zonunsangi.....

Aizawl Municipal Corporation (AMC) chuan kumin Krismas leh Kumthar vuakvet atana AMC area chhunga kawm leh kawthler chei kawnga hma la tha zual 10 te hnenah lawmman atan cheng sing 5 theuh a pe dawn a. Vawiin thleng khan veng hrang hranga kawm chei te endik niin Thawhtanni hian lawmman sem a ni dawn a ni.

<><><>

CHAMPHAI CHRISTMAS PREPARATION

Champhai District ah hunpui, krismas leh kumthar lawm tura inbuatsaihna chuan a vawrtawp a thleng chho mek a, kohhran hrang hrangten heng ni pual hian programme hrang hrangte buatsaihin ni khat ve ve ruai theh an tum tlangpui.

Champhai Bazar a lunin thingtlang atanga chakkhai lam pawh an thahnem viau a. naktuk atanga Champhai bazar kiang vela lirthei tlan khapna, No vehicle zone kalpui tum anih laiin vawiin atangin heng hmunahthe hian lirthei tan kal ngaihna awm lovin mipuiin an chim khat tawh a ni.

Champhai khawpuia Veng eng emawzatin tun thla quota ration buhfai an la dawng lova, Krismas hmian Retailer te kal tlanga buhfai sem hman an in beisei tih thu dawn

a ni a. Thla hnih, October leh November thla chhung Ni Za hlawh vawiin thlenga sem a la nih loh avangin bazar leh dawr hmunah te pawisa avangin thawmhnaw zuartuten inhralh a harsa niin an sawi.

Champhai bazara dawrkai Pi C.Lallianmawii chuan Krismas leh kumthar lo thleng tur atana bazar dinhmun Akashvani a hrilh.

<><><>

RS MP

Parliament Winter Session neih mekah Mizoram Rajya Sabha MP Pu K.Vanlalvena zawhna chu Union Minister pathum in chhanna an pe a. Manipur chungchanga a zawhna erawh Home Minister-in chhanna a pe thei lo thung a ni.

Mizoram chhim tawp leh Bay of Bengal tuifinriat kal pawhna tura kawngpui sial mek KMTTP Road project ah kumin November thla thlengin cheng vaibelchhe 356 hman ral a nih tawh thu te, KM 109 laih tur ah KM 70 a thui laih mek a nih thu te, KM 20 lei laih hna zawh a nih tawh thu leh July thla 2025 a zawh hman tura ruahman a nih thu Union Minister of State for External Affairs Pu Kirti Vardhan Singh an Pu Vena zawhna a chhang a. Mizoramah Oil leh Natural gas zawn chhuahna hna thawh mek a la ni em tih Pu Vena zawhna chu Union Minister of State for Petroleum Pu Suresh Gopi chuan chhangin Mizoram chu Block thumah thenin ONGC leh Vedanta Company ten an la thawh mek thu a sawi bawk a. Union Minister of State for Commerce and Industry Pu Jitin Prasada chuan Indo- Myanmar ramri ah leh Indo- Bangladesh ramri ah te insumdawn tawna te nau Border Haat din a la nih loh thu in Pu Vena zawhna a chhang bawk a ni.

Parliamentary Committee on Railways meetingah Pu Vena chuan Bairabi to Sairang rel kawng siam mek ah chhungkaw 6 te hnenah zangna dawmna pek an la nih loh avanga Guwahati High Court Aizawl Bench in pe tura order a chhuah tawh hnuah pawh Railway lamin an la pe lo reng chu diklo a tih thu a sawi a. Sihmui a Rel Station Platform siam hna leh Sairang Kurung chungga Railway bridge siam hna thawh lai chu contractor ten an thawh muan thu meeting member te a hriat nawn tir leh bawk a ni.

<><><>

RAJ BHAVAN

Mizoram Larsap Dr Hari Babu Kambhampati chenna Raj Bhavan chu krismas leh kumthar lo thleng tur pualin, kum dang ang bawkin vawiin atang khan a duh apiang tana tlawh theih tura hawn a ni.

Larsap chenna in Raj Bhavan hian ngaihhlut a hlawh hle a, vawiinah pawh naupang leh puitling tlawhtu an thahnem nghal hle a ni.

Akashvani Aizawl News zawhna chhangin, Raj Bhavan tlawhtu pakhat chuan mipui nawlpui tana Larsap chenna in tlawh theihna hun siam a ni chu lawmawm a tih thu sawiin mipuite tam theih ang ber tlawh ve tura a duh thu a sawi.

Raj Bhavan hi chawhma dar 10:00 atanga zan dar 7:30 thleng hawn thin a ni dawn a, kumin atan chuan December ni 26 thleng hawn a ni ang. Nakum January ni 2 leh ni 3-ah te hawn leh a ni ang.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puang a ni a. AIR News Aizawl Youtube Channel, All India Radio News Aizawl Facebook page leh newsonair.gov.in-ah te, chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

GOOD GOVERNANCE WEEK

Kumin Good Governance Week chu Mizoram district hrang hrangah vawiin khan hawn a ni.

Aizawlah chuan Bawrsap Pu Lalhriatpuia hovin DC pisa tualah Good Governance Week hawna inkhawm buatsaih a ni a, hemi pual hian Aizawl DC Office a thawkte tan Good Governance Practices workshop buatsaih a ni a. Bawrsap chuan India rama Good Governance Week hman chhoh dan te sawifiahin sorkar inrelbawlina chu mipui rawngbawlina a ni tih vawng reng chungin theihtawp chhuah tur an nih thu a sawi a ni.

Lawngtlaiah chuan Good Governance Week pualin vawiin khan DC Conference Hall-ah Lawngtlai Bawrsap Pu Cheemala Siva Gopal Reddy kaihruiin hun hman a ni a, Good Governance Practices tih thupui hmangin workshop buatsaih a ni. Lawngtlai Bawrsap chuan Good Governance- a tak a kalpui turin sawrkar hnathawkte an pawimawh thu sawiin mipuite tana thawk an nihna hre reng turin a chah a ni.

Hnahthialah pawh Good Governance pual hian DC Conference Hall-ah Bawrsap Pi Rita Lalnunmawii ho a hun hman a ni a. Bawrsap chuan sawrkarah inrelbawna chak leh tha zawk a awm theih nan Public Grievance Redressal system tha tak a awm a tul thu leh Service Delivery tha zawk neih a pawimawh thu a sawi a ni.

Serchhipah pawh Bawrsap Pu Paul L. Khuma hoin Serchhip DC Pisapui Hall-ah Good Governance Week hawn a ni a. Raltlan mi 558 te hnenah tanpuina buhfai leh sum semchhuah a ni.

Khawzawl-ah chuan DC Conference Hall-ah Khawzawl Bawrsap Pu K. Vanlalthiana hoin Good Governance Week 2024 pualin hun hman a ni a. Bawrsap chuan mipuite vuivaina leh an harsatna a tam thei ang ber chinfelsak turin sawrkar hnathawkte a beisei thu a sawi a ni.

Saitualah pawh District Bawrsap Dr. Lalngura Tlau ho in Good Governance Week 2024 hi hman a ni a. Bawrsap chuan sawrkar hnathawkte chu mipui tana hnathawk tur an ni tih hria a, mipui dawrna kawngah pawh fel leh hawihhawm inzirtir a tul thu a sawi a ni.

Sawrkar laipuiin a ruahman angin Good Governance Week 2024 hi tun thla ni 19 atanga ni 24 chhunga hman tur a ni a, kumin thupui atan Prashasan Gaon Ki Ore, thingthlanga inrelbawlina tha thlen tih hman a ni.

<><><>

LOWER HOUSE REFERS TWO BILLS ON ONE NATION, ONE ELECTION TO JOINT COMMITTEE OF PARLIAMENT

Ram puma a ruala inthlan buatsaihna tur One Nation One Election kaihnawih bill 2 chu Joint Committee of Parliament-ah hlan a ni.

Joint Committee of Parliament-ah hian Lok Sabha atangin member 27 an awm a, Rajya Sabha atangin member 12 an awm a ni.

Tukin khan One Nation One Election kaihnhawih bill pahnih ‘Constitution (One Hundred and Twenty-Ninth Amendment) Bill, 2024’ leh ‘Union Territories Laws (Amendment) Bill 2024’ chu thawm bengchheng karah Law Minister Arjun Ram Meghwal chuan a chhawpchuak a ni.

Committee hian an report chu Parliament rorel inkhawm leh hmasa ber, chawlhkar tawpna ni hmasa berah House-ah an thehlut dawn a ni.

<><><>

PRODUCTIVITY OF WINTER SESSION OF PARLIAMENT LOW DUE TO RUCKUS CREATED BY OPPOSITION: KIREN RIJJU

Parliamentary Affairs Minister Kiren Rijju chuan tun tuma Parliament thlasik thutkhawm chu eptu lamte kawhmawh bawl avangin a hlawk nep deuh a ti.

Vawiin khan Parliament in 2 thlasik thutkhawm chu tih tawp a ni a. Lok Sabha-ah hian rorel hlawkna chu za-a 54-a teh a ni a, Rajya Sabha thutkhawm hlawkna chu za-a 40-a teh a ni.

Vawiina Parliament rorel thutkhawm zawha Chanchinbu mite a kawmnaah Kiren Rijju-a chuan Parliament in 2-a rorel hlawkna chu a tlem hle a, ngaihtuah chian a ngai hle a ni a ti. Parliament in 2-a rorel chu eptu MP-te khawsa zia chuan a nghawng hle a ni a ti bawk.

Kiren Rijju-a chuan tun parliament rorel-ah khan Lok Sabha-ah vawi 19 thutkhawm a nih thu a sawi a, Rajya Sabha-ah chuan vawi 19 thutkhawm a ni a ti.

<><><>